



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.35. Episcopi ad Stephanum missi.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.  
A. C. 763.

jacentis caput, vas aquæ amplissimum effundunt. Tandem militarem vestem imponunt, & Imperator suis manibus ense ipsius humeris appenso, eum Hippocomi sui Dignitate ornat.

p. 376.

Mittit deinde Imperator ad Montem Auxentianum militum multitudinem, qui S. Viri Discipulos disturbant, Monasterium & Ecclesiam igni absumunt, in cineres redigunt, a fundamentis destruunt. S. Stephanum vero e spelunca abreptum, ad Calcedonis navale abducunt. Quidam S. Virum fustibus cædebant, manus collo injiciebant alii, alii tibias laniabant per spineta trahentes. Erant etiam qui in venerandam ejus faciem conspuerent, illudentes, & sexcenta in eum diæteria jacentes. Tandem, quia incedere non valebat, lembo impositum juxta littora ad Monasterium Philippici, prope Chrysopolim abducunt, includunt, & de ipsius statu certiores faciunt Imperatorem, qui promulgari jussit, capitalem pœnam in eum esse lancitam, qui ad Auxentianum collem vel solum appropinquare ausus fuisset.

§. XXXV.

*Episcopi ad Stephanum missi.*

Exinde Imperator Episcopos quinque accersitos, Iconoclastarum præcipuos, videlicet Theodosium Ephesinum,  
Cor.

Constantinum Nicomediensem, Constantinum Nacoliensem, Sisinnium Pastiliensem & Basilium Tricacabanum, cum Patricio Callisto, Comboconone Archinotario, & alio officiali, nomine Masario, ad Constantinum Patriarcham Constantinopolitanum misit, additis mandatis, ut simul omnes ad Monasterium Chrysopolitanum pergerent. At Patriarcha, cui nota erat virtus & scientia S. Stephani, ire recusavit. Ceteri igitur illuc se conferunt portantes secum Conciliabuli sui Definitionem. Ubi ad Monasterium pervenerunt, peracta in Ecclesia oratione, super gradus, quibus ad balneum ascendebatur, confident, jubentque vocari S. Stephanum. Ille advenit a duobus viris sustentatus, vincula ferrea in pedibus habens; cui spectaculo Episcopi illacrymati sunt. Theodosius Ephesinus ad eum dixit: *Vir Dei! quomodo tibi in mentem venire potuit, ut nos haberes Hæreticos, & opinionem tuam Doctrinæ Imperatorum, Archiepiscoporum, Episcoporum, & Christianorum omnium præferres? vel forte nos omnes id agere putas, ut animas nostras perdamus?* S. Stephanus huic Episcopo gravi sermone respondit: *Memento, quid Elias Prophetæ Achabo dixerit; non ego turbavi Israel, sed tu & Domus Patris tui. Vos novam opinionem in Ecclesiam invexistis.*

T 5

Vobis

Sæcul. VIII.  
A.C. 763.Sup. §. 7.  
vit. p. 478.

3. Reg. 18.

17.

P. 479.

Sæcul. VIII. *Vobis cum Propbeta dicere possumus: ad-*  
A. C. 763. *stiterunt Reges terræ, Principes & Pastro-*  
Psal. 2. 2. *res convenerunt in unum adversus Jesu*  
*Christi Ecclesiam, & in suis cogitationi-*  
*bus evanuerunt. Tunc Constantinus Ni-*  
*comediensis, triginta quinque annos na-*  
*tus juvenili fervore surrexit, Sanctum*  
*Abbatem humi sedentem pede percuf-*  
*furus; sed prævenit eum prætorianorum*  
*aliquis, & Viri Sancti ventri pedem im-*  
*pegit, quasi coacturus, ut surgeret.*

Senatores Callistus & Comboconon  
 Constantini Episcopi impetum cohiben-  
 tes dixerunt ad S. Stephanum: *Alteru-*  
*trum tibi eligendum offertur; vel subscri-*  
*bendum, vel tibi legi, Patribus, Impera-*  
 toribus refractario moriendum. Sanctus  
 p. 480. *Philip. 1. 21.* Vir respondit: *Mibi vivere Christus est,*  
*ac pro Sancta ejus imagine mori gloria &*  
*lucrum meum. Verum legatur Definitio*  
*Concilii vestri, ut cognoscam, an quid-*  
*quam rationi consentaneum contra Im-*  
*gines afferat. Mox Constantino Naco-*  
*liensi titulum legenti in hunc modum:*  
*Definitio S. Concilii septimi Oecumenici,*  
 S. Stephanus signum manu dedit, ut sile-  
 ret, & dixit: *quomodo Sanctum dici pot-*  
*est Concilium, quod Res Sanctas profana-*  
*vit? nonne aliquis Episcoporum vestro-*  
*rum in vestro Concilio a vivis probis ac-*  
*cusatus fuit Patenam Sanctis Mysteriis de-*  
*stinatam ideo conculcasse, quod Imagines*  
 Jesu

*Jesu Christi, Matris ejus, & Præcurso- Sacul. VIII.  
ris ejus in ea conspicerentur? vos vero ei- A. C. 763.  
dem Munus Episcopale asseruistis, & Ac-  
cusatores ejus tanquam Idolorum fauto-  
res excommunicastis. Quanta impietas! p. 481.  
nonne titulum SANCTORUM Apostolis,  
Martyribus aliisque viris justis rapuistis,  
eos simpliciter Apostolos vel Martyres ap-  
pellantes?*

*At rursus, quo pacto Concilium istud  
Oecumenicum esse possit, a Papa Roma-  
no (\*) non approbatum, cum extet Canon  
prohibens, ne Causæ Ecclesiasticæ sine ipso  
definiantur? sed nec Patriarcha Alexan-  
drinus, nec Antiochenus, nec Jerosolymi-  
tanus illud approbarunt. Ostendite eorum  
litteras. Et tandem qua ratione septimum  
Con-*

(\*) En Testimonium S. Viri ad Ecclesiam Con-  
stantinopolitanam pertinentis contra Protestan-  
tes invidum! unde liquet nullam Synodum sine  
approbatione Episcopi Romani vel in Hollandia  
vel ubicunque terrarum celebratam majoris Au-  
toritatis esse posse, quam Constantini Imperato-  
ris Conciliabulum.

Wenn man von unserm Protestanten, welcher  
tausend solche Zeugnisse wider sich selbst aus dem  
Fleury übersetzt, verlangen sollte, daß er dem  
H. Stephanus eine Antwort gebe, würde er ein-  
mal so wenig als die an denselben von Constanti-  
no geschickte Bischöfe nur etwas erträgliches her-  
vor bringen können.

Sæcul. VIII.  
A. C. 763.

*Concilium vocatur, quod sex Conciliis prioribus non consentit? Basilius dixit: In quo autem nos Conciliis prioribus ad-versati sumus? S. Stephanus respondit: An non ad celebranda Concilia Patres in Ecclesiis convenerunt? an in istis Ecclesiis non erant Imagines a Patribus receptæ, & adoratæ? responde mihi, Episco-pe! Basilio dictis annuente, Sanctus Stephanus levatis in Coelum oculis suspirans & manus extendens dixit: Qui-cunque non adorat Dominum Nostrum Je-sum Christum in sua imagine secundum Humanitatem inclusum, Anathema sit!*  
 p. 483. cum plura addere vellet, tantam liber-tatem in viro obstupescentes & pudore obruti Mandatarii surgunt, nec aliud ju-bent, quam ut custodiae traderetur. Constantinopolim reduces interrogat Im-perator, quid effecissent, & ceteris Epis-copis dissimulare conantibus, Callistus di-xit: *Victi sumus, Auguste! viri hujus, mortem contemnentis, argumentis.* Im-perator ira ardens illico scripsit senten-tiam, qua Vir Sanctus in Insulam Pro-conesum prope Hellespontum relega-batur.

## §. XXXVI.

*Exilium S. Stephani in Proconeso.*

Decem & septem integros dies, quos  
 in Monasterio Chrysopolitano S. Ste-  
 phanus